



შირაკი

SHIRAKI

www.opentext.ge

გამოცემის 1937 წლიდან

№39 (9.555)

19 ოქტომბერი 2012 წელი

ფასი: 50 თეთრი

ყოველკვირეული გამოცემა



სახალხო ზეიმი ფიროსმანის გარემოში კვლავ გაიმართება

სოფელ მირზაბანში "ფიროსმანობის" ტრადიციული სახალხო ზეიმი 27 ოქტომბერს გაიმართება. ამის შესახებ გაზეთ "შირაქს" ნიკო ფიროსმანის სახელმწიფო მუზეუმის მმართველმა ნელი გობეჯიშვილმა აცნობა.

გობეჯიშვილი ყველა მსურველს გამოწვევას სთავაზობს და ღონისძიებაზე დასწრებისა თუ აქტიური მონაწილეობისკენ მოუწოდებს.

ამავე დღეს გაიმართება, ახლადგამოცემული ფიროსმანის გზამკვლევის პრეზენტაცია. როგორც ორგანიზატორები ირწმუნებიან, წლევანდელი პროგრამა საკმაოდ მრავალფეროვანი და საინტერესო იქნება.

"ფიროსმანობა" ტრადიციულად ოქტომბრის მესამე შაბათს იმართება, თუმცა ახალი მონვევის პარლამენტის პირველი სხდომის გამო, ამჯერად, ღონისძიებამ ერთი კვირით გადაინია.

წელს ნიკო ფიროსმანის 150 წლის იუბილესთან ერთად გენიალური მხატვრის მუზეუმის გახსნის 50 წლის იუბილესაც აღინიშნება. დღესასწაულს მირზაბანელი მხატვრის ეზო სიახლეებით ხვდება, მოხერხდა ფიროსმანის მემორიალური სახლის ძირეული რეაბილიტაცია. სიძველის გამო სახლი, რომელიც ნიკალამ ააშენა, დანგრევის პირას იყო. ამასთან, ტურისტებისთვის სრულდება სველი წერტილების მონაწილეობა.

ღონისძიება მნიშვნელოვანია იმითაც, რომ იტალიელი თვითნასწავლი მხატვრის ანტონიო ლიკაპოს ნამუშევრების გამოფენას მირზაბანში ერთი დარბაზი დაეთმობა. მასაც ფიროსმანივით რთული გზა აქვს გავლილი და ბევრი პარალელის გავლება შეიძლება.

ფიროსმანობის სახალხო ზეიმისთვის ღონისძიებების დასაგეგმად "საქართველოს კულტურული მემკვიდრეობის დაცვის ეროვნული სააგენტო" დედოფლისწყაროში რამდენჯერმე იმყოფებოდა. მირზაბანში ჩავიდა გაზეთი "შირაქი" და ღონისძიების დეტალებზე სააგენტოს წარმომადგენლებს ესაუბრა.

"შარშან პირველად იყო გამოფენილი ფიროსმანის პირადი საქმეები, რაც თავისთავად ძალზე საინტერესო იყო საზოგადოებისთვის. წელსაც ვგეგმავთ ისეთი გამოფენები მოენახლოს, რაც მანამდე არ ყოფილა მირზაბანში და სიახლე იქნება დამთავალიერებლისთვის. გადავწყვიტეთ, ერთი დარბაზი დაეთმოს ფიროსმანის აფიშებს. წარმომადგენლია სხვადასხვა ქვეყნის სხვადასხვა ქალაქში გამართული გამოფენების აფიშები, მათ შორის ათეულობით წლის წინანდელიც.

(გაგრძელება გვ. 3)



„წვრილმან დარღვევებს არჩვენების საბოლოო შედეგზე გავლენა არ მოუხდენია“ ...

საქართველოში დამთავრდა ქვეყნის საკანონმდებლო ორგანოს — პარლამენტის არჩევნები. საკმაოდ დაძაბულად ჩაიარა წინასაარჩევნო კამპანიამ და კენჭისყრის დღემ დედოფლისწყაროშიც, თუმცა, მშვიდობიანად. არჩევნების შემდეგ იყო ხმაური და შედეგების გაპროტესტებაც, დავამ საოლქო — საარჩევნო კომისიიდან ჯერ რაიონულ, ხოლო შემდეგ სააპელაციო სასამართლოში გადაინაცვლა. გაზეთი „შირაქი“ ამ პროცესებს ეტაპობრივად აშუქებდა. არჩევნების საბოლოო შედეგების გაცნობისა და არჩევნების შეფასების მიზნით ჩვენ კომენტარი №14 დედოფლისწყაროს საოლქო—საარჩევნო კომისიის თავმჯდომარეს დავით ბუჩუკურს და „სამართლიანი არჩევნების“ წარმომადგენელს დედოფლისწყაროში ვენერა ქუსიკაშვილს ვთხოვეთ.

დედოფლისწყაროს საოლქო—საარჩევნო კომისიის თავმჯდომარე დავით ბუჩუკური: - არჩევნები იყო საკმაოდ

გამჭვირვალე, თუმცა დაძაბული. ეს ბუნებრივიცაა, როცა ორი სერიოზული საარჩევნო სუბიექტია წარმოდგენილი. მნიშვნელოვანი დარღვევები კენჭისყრის დღეს არ დაფიქსირებულა, იყო წვრილმანი დარღვევები, რომელთაც საერთო შედეგზე გავლენა არ მოუხდენია.

- ბატონო დავით, ჰქონდა თუ არა რაიმე სახის ზენოლას ადგილი თქვენს მიმართ რომელიმე საარჩევნო სუბიექტის მხრიდან?

- არანაირი ზენოლა არ ყოფილა, თუ არ ჩავთვლით კომისიის იმ სხდომას, რომელიც აქციის ფონზე მიმდინარეობდა. თუმცა, არც ეს შეიძლება ჩაითვალოს ზენოლად, მაგრამ ხმაური კომისიის მუშაობას ხელს ნამდვილად უშლიდა. საარჩევნო კომისიამ მიიღო ისეთი გადაწყვეტილება, რომელიც კანონის შესაბამისი გახლდათ. ჩვენი გადაწყვეტილების მართებულობა ორივე ინსტანციის სასამართლომ დაამტკიცა - რაიონულმა და

სააპელაციო სასამართლომაც ძალაში დატოვა საოლქო კომისიის გადაწყვეტილება.

ვენერა ქუსიკაშვილი, - არასამთავრობო ორგანიზაცია „სამართლიანი არჩევნების“ წარმომადგენელი დედოფლისწყაროში:

- არჩევნებმა დედოფლისწყაროში ხმაურის გარეშე ჩაიარა. მე თვითონ გახლდით მობილურ ჯგუფში და თითქმის ყველა საარჩევნო უბანში ვიმყოფებოდი. ჩემი უზენებზე ყოფნის დროს უხეში დარღვევა არ დაფიქსირებულა, იყო წვრილი—წვრილი დარღვევები, რომლებიც ვრეაგირებდით შენიშვნის სახით და გამოსწორებადი იყო. ჩვენი ორგანიზაციის სახელით დაინერა ერთი საჩივარი საბათლოს საარჩევნო უბანზე. ჩვენი ორგანიზაციის შეფასებით, დედოფლისწყაროში არჩევნებმა ნორმალური ვითარებაში ჩაიარა და უხეში დარღვევა არ დაფიქსირებულა.

ინგა შიოლაშვილი

საპარლამენტო არჩევნების საბოლოო შედეგი დედოფლისწყაროს მუნიციპალიტეტში კი ასეთი გახლავთ:

მაჟორიტარული:

- ① თამილა გურაშვილი - 52 ხმა
- ⑤ ზაზა კედელაშვილი - 6896 ხმა
- ⑩ ლია ჩოქური - 190 ხმა
- ③ გიორგი ყოჩიაშვილი - 127 ხმა
- ④ ბიჭიკო მაჩაბლიშვილი - 16 ხმა
- ④ ალექსანდრე თამაზაშვილი - 6603 ხმა

პროპორციული:

- ① „კახა კუკავა - თავისუფალი საქართველო“ - 28 ხმა
- ④ „ეროვნულ - დემოკრატიული პარტია“ - 13ხმა
- ⑤ „ერთიანი ნაციონალური მოძრაობა - მეტი სარგებელი ხალხს“ - 6565ხმა

⑨ „სამართლიანი საქართველოსთვის“ - 15ხმა

⑩ „გიორგი თარგამაძე - ქრისტიანი - დემოკრატიული გაერთიანება“ - 237ხმა

⑰ „სახალხო მოძრაობა“ - 1ხმა

⑱ „თავისუფლება - ზვიად გამსახურდიას გზა“ - 3ხმა

⑲ „ჯონდი ბალათურია - ქართული დასი“ - 7ხმა

⑲ „ახალი მემარჯვენეები“ - 35ხმა

⑲ „სახალხო პარტია“ - 1ხმა

⑳ „მერაბ კოსტავას საზოგადოება“ - 3ხმა

㉑ „მომავალი საქართველო“ - 4ხმა

㉒ „საქართველოს მშრომელთა საბჭო“ - 4ხმა

㉓ „შალვა ნათელაშვილი - საქართველოს ლეიბორისტული პარტია“ - 145ხმა

㉔ „საქართველოს სპორტსმენთა კავშირი“ - 8ხმა

㉕ „ბიძინა ივანიშვილი - ქართული ოცნება“ - 6840ხმა

ფიროსმანის ახდენილი ოცნება

33 3

პურის ბაზარზე სერიოზული კრიზისია

33 5

სამთაწვაროელი ეკომიგრანტები მიწების დაბრუნებას ითხოვენ

33 5

ყველაზე სანდო წყარო დედოფლისწყაროში მიმდინარე მოვლანების შესახებ!

- ახალი ინფორმაცია
- სამართლებრივი აქტები
- აუქციონი
- ტენდერი - ყველაფერი მხოლოდ ჩვენთან!

ის, რასაც სხვაგან ვერ ნაიპოთხავთ!

www.dedoplistskaro.ge

პრეზიდენტმა პრემიერ-მინისტრობის კანდიდატად ბიძინა ივანიშვილი წარადგინა

საქართველოს პრეზიდენტმა მიხეილ სააკაშვილმა პრემიერ-მინისტრობის კანდიდატად კოალიცია „ქართული ოცნების“ ლიდერი ბიძინა ივანიშვილი წარადგინა, - ამის შესახებ 17 ოქტომბერს გამართულ ბრიფინგზე საქართველოს პრეზიდენტის პრესსპიკერმა მანანა მანჯგალაძემ განაცხადა.

მისი თქმით, ბიძინა ივანიშვილს აქვს 10-დღიანი ვადა მთავრობის სრული შემადგენლობის წარსადგენად ახლად არჩეულ პარლამენტში ნდობის მოსაპოვებლად.

„ჩვენ ვცდილობთ, საქართველოში გამართული საპარლამენტო არჩევნების შემდეგ ზედმიწევნით დავიცვათ საქართველოს კონსტიტუცია და კანონმდებლობით განერილი ის პროცედურები, რომლებიც არჩევნების შემდეგ პარლამენტის ფუნქციონირების დაწყებისა და საქართველოს მთავრობის ფორმირებას ემსახურება. სწორედ ამ მიზნით, საქართველოს კონსტიტუციის მე-80 მუხლის მეორე პუნქტის შესაბამისად, პრემიერ-მინისტრის თანამდებობაზე შერჩეულ იქნა პირველი ოქტომბერს გამართულ საპარლამენტო არჩევნებში გამარჯვებული კოალიციის „ქართული ოცნების“ ლიდერი ბიძინა ივანიშვილი. საქართველოს კონსტიტუციის ამგვარ მუხლის შესაბამისად შერჩეულ კანდიდატს აქვს 10-დღიანი ვადა, რათა მოხდეს მთავრობის სრული შემადგენლობის წარმოდგენა, მისი შემდგომი ნდობის მიღებისთვის ახლად არჩეულ პარლამენტში წარსადგენად“, - განაცხადა მანანა მანჯგალაძემ.

ეურადლება!

სამშაბათს, 23 ოქტომბერს, 13 საათზე ჩატარდება დედოფლისწყაროს მუნიციპალიტეტის საკრებულოს სხდომა.

სურსაბ ჭიაბერაშვილი - კახეთის გუბერნატორად

საქართველოს პრეზიდენტმა კახეთის გუბერნატორად შრომის, ჯანმრთელობისა და სოციალური დაცვის ყოფილი მინისტრი სურსაბ ჭიაბერაშვილი დანიშნა. გუბერნატორის თანამდებობა ვაკანტური მას შემდეგ გახდა, რაც გიორგი ლვინიაშვილმა საპარლამენტო არჩევნებში მიიღო მონაწილეობა და გურჯაანის მაჟორიტარი დეპუტატი გახდა.

სურსაბ ჭიაბერაშვილი 1972 წლის 6 ივნისს დაიბადა. 1994 წელს დაამთავრა თბილისის სახელმწიფო უნივერსიტეტი ფილოსოფიის სპეციალობით, ხოლო 1997 წელს - საქართველოს მეცნიერებათა აკადემიის ფილოსოფიის ინსტიტუტის ასპირანტურა. 1993-1997 წლებში მუშაობდა სხვადასხვა თანამდებობებზე გაზეთ „რეზონანსში“. 1998 — 2002 წლებში იყო ფილოსოფიის ინსტიტუტის მეცნიერ-თანამშრომელი, კითხულობდა ლექციებს თბილისის სახელმწიფო უნივერსიტეტსა და მართვის ევროპულ სკოლაში (ESM). 2002 და 2003 წლების გაზაფხულის სასწავლო სემესტრების განმავლობაში იყო მიწვეული მკვლევარი ახალი სკოლის უნივერსიტეტში (ნიუ იორკი, აშშ). 1999-2002 წლებში მუშაობდა ეროვნულ ბიბლიოთეკაში. 2002-2003 წლებში იყო საერთაშორისო საზოგადოება „სამართლიანი არჩევნების“ აღმასრულებელი დირექტორი. „სამართლიანი არჩევნები აქტიურად მონაწილეობდა 2003 წლის საპარლამენტო არჩევნების დაკვირვებისა და შეფასების პროცესში. ორგანიზაციამ არჩევნები უარყოფითად შეაფასა. ვარდების რევოლუციის შემდეგ ჭიაბერაშვილი ცენტრალური საარჩევნო კომისიის თავმჯდომარედ დანიშნეს. მისი ხელმძღვანელობით ჩატარდა 2004 წლის საპრეზიდენტო არჩევნები. 2004-2005 წლებში იყო თბილისის მერი. 2005-2010 წლებში იყო საქართველოს მუდმივი წარმომადგენელი ევროპის საბჭო-



ში. 2011-12 წლებში იყო საქართველოს საგანგებო და სრულუფლებიანი ელჩი შეიქცარიის კონფედერაციასა და ლიბტენშტეინში. 2012 წლიდან იყო საქართველოს შრომის, ჯანმრთელობისა და სოციალური დაცვის მინისტრი.

პრეზიდენტმა ახალი გუბერნატორები დანიშნა სხვა რეგიონებშიც. იმერეთში ვახტანგ ბალაყაძე, სამეგრელო — ზემო სვანეთში ზაზა გოროზია, რაჭა-ლეჩხუმ — ქვემო სვანეთში გიორგი ჭელიძე.

„საქართველოს კონსტიტუციისა და საქართველოს მთავრობის სტრუქტურის უფლებამოსილებისა და საქმიანობის წესის შესახებ საქართველოს კანონის 27-ე მუხლის I პუნქტის შესაბამისად, საქართველოს პრეზიდენტი იყენებს თავის უფლებამოსილებას“, - განაცხადა პრეზიდენტის პრესსპიკერმა მანანა მანჯგალაძემ.

სოფელ საბათლოში ცოფზე შეზღუდვები მოიხსნა

სისპ სურსათის ეროვნული სააგენტოს კახეთის რეგიონალური სამმართველოს 2012 წლის 15 ოქტომბრის №218 მომართვის საფუძველზე, დედოფლისწყაროს მუნიციპალიტეტის გამგებლის №507 ბრძანებით, მოიხსნა შეზღუდვები, ცოფის მხრივ არაკეთილსაიმედო კერაში — დედოფლისწყაროს მუნიციპალიტეტის სოფელ საბათლოში (არმენ ნალტაყიანის მსხვილფეხა რქოსან პირუტყვზე ცოფის დადგენასთან დაკავშირებით).

ორთვიანი კარანტინი სოფელ საბათლოში 17 აგვისტოს გამოცხადდა.

შეგახსენებთ, დედოფლისწყაროს მუნიციპალიტეტის გამგებლის 2012 წლის 17 აგვისტოს № 384 ბრ-

ძანებით დაწესებული შეზღუდვები 16 ოქტომბრიდან მოიხსნა და ძალადაკარგულად გამოცხადდა, „დედოფლისწყაროს მუნიციპალიტეტის სოფელ საბათლოში, ზოოანთროპონოზური ინფექციური დაავადების ცოფის საწინააღმდეგო პროფილაქტიკური ღონისძიებების გატარების შესახებ“, დედოფლისწყაროს მუნიციპალიტეტის გამგებლის 2012 წლის 17 აგვისტოს №384 ბრძანება.

შეგახსენებთ, რამდენიმე თვის წინ, დედოფლისწყაროს ოთხ სოფელში, ცოფისა და ჯილეხის გამო საკარანტინო მდგომარეობა ერთდროულად მოქმედებდა, რომელიც 15 ივნისიდან მოიხსნა.

ავტოსაგზაო შემთხვევები დედოფლისწყაროში

ავტოსაგზაო შემთხვევა მოხდა დედოფლისწყაროში, სოფელ გამარჯვებისა და არბოშიკის საზღვართან, ე.წ. „გედოქის“ გადასახვევთან. უბედურ შემთხვევას გაზეთი „შირაქი“ ექსკლუზიურად შეესწრო.

მერსედესის მარკის ავტომობილი საპირისპიროდ მოძრაობის კამაზის ტიპის სატვირთო ავტომანქანას 16 ოქტომბერს, დაახლოებით 16:40 წუთზე შეეჯახა.

კამაზის მძღოლს დაზიანებები არ მიუღია, ოთხივე დაზარალებული მერსედესით მგზავრობდა, ისინი ლაგოდეხის მუნიციპალიტეტის მცხოვრებნი არიან. თვითმხილველთა განმარტებით, ისინი დედოფლისწყაროდან ლაგოდეხის მიმართულებით გადაადგილდებოდნენ.

დაზარალებული დედოფლისწყაროს გადაუდებელი სასწრაფო დახმარების ბრიგადამ დედოფლისწყაროს საავადმყოფოში გადაიყვანა. წინასწარი ინფორმაციით, მათ სხვადასხვა სახის დაზიანებები აღენიშნებოდათ, თუმცა სიცოცხლეს საფრთხე არ ემუქრება.

შემთხვევის ადგილზე იმყოფებოდნენ დედოფლისწყაროს ძალოვანი უწყებების ხელმძღვანელები და წარმომადგენლები. მომხდართან დაკავშირებით შს დედოფლისწყაროს პოლიციის სამმართველოში მიმდინარეობს წინასწარი გამოძიება.

რომელიმე მძღოლის ბრალეულობა დადგინდა არ არის, თუმცა გაჩნდა ვერსია, რომ შეჯახება კამაზის მძღოლის მიზეზით მოხდა.

„საავადმყოფოში 4 პაციენტი შემოიყვანეს. ისინი ლაგოდეხის რაიონის მაცხოვრებლები იყვნენ. ყველაზე მძიმე დაზიანებები 60 წლის ქალს აღენიშნებოდა. მას მარჯვენა ბარძაყის ძვალი ჰქონდა მოტყეხილი და უგონო მდგომარეობაში იმყოფებოდა. დაზარალებულს სასწრაფო ოპერაცია ჩატარდა, რის შემდეგაც კატასტროფის მედიცინის ცენტრის ბრიგადამ თბილისში გადაიყვანა. დანარჩენ ოთხს კი სხეულზე დაუყოლები აღენიშნებოდათ, მათი ჯანმრთელობის მდგომარეობა სტაბილურია და ბინაზე გაენერეთ“, — განაცხადა დედოფლისწყაროს სამედიცინო ცენტრის თანამშრომელმა ეთერ ალადაშვილმა.

ამას გარდა, ამ ავტოსაგზაო შემთხვევამდე ერთი საათით ადრე ქალაქ დედოფლისწყაროში კიდევ ერთი ავარია დაფიქსირდა. რუსთაველის ქუჩაზე, რკინიგზის სადგურის მიმდებარე ტერიტორიაზე არსებულ ხიდთან ბეემვეს მარკის ავტომობილი ხევში გადავარდა და ხეს შეასკდა. ის გადაჭარბებული სისწრაფით მოძრაობდა. როგორც მოგვინებთ გაირკვა, ბეემვეს მძღოლი ალკოჰოლური ზემოქმედების ქვეშ იმყოფებოდა.

ილია მარტყოფლიშვილი



სოფელ არბოშიკში არასრულწლოვანი დაშავდა



ინციდენტი მოხდა სოფელ არბოშიკში. არბოშიკის საჯარო სკოლის ეზოში „ქართული ოცნების“ ახალგაზრდული ფრთის წევრს, 14 წლის ყულვერ კოჭლამაზაშვილს თავს დაესხნენ და თავის არეში მძიმე საგანი ჩაართყეს. დაზარალებული არასრულწლოვანის ოჯახის წევრებიც „ქართული ოცნების“ წევრები არიან. დაზარალებული მოზარდი დედოფლისწყაროს საავადმყოფოში მოათავსეს. მას თავის არეში ნაკვეთი ჭრილობა აღენიშნება. მისი განმარტებით, საგარაუდოდ, თავდამსხმელები მისი სკოლის და მისი სოფლის მაცხოვრებლები არ იყვნენ.

„ვა, „ქართული ოცნება“ თქვეს და უკან მხრიდან შიფერი ჩამართყეს. მოხედვაც ვერ მოვასწარი, ისე სწრაფად მოხდა... შემდეგ, შიფერზე ჩემი სისხლი შეენიშნე“, — ამბობს დაზარალებული არასრულწლოვანი.

მომხდართან დაკავშირებით კომენტარი გააკეთეს დედოფლისწყაროს საავადმყოფოშიც.

„გაინმინდა და დამუშავდა ჭრილობა. როგორც ირკვევა, არასრულწლოვანს შიფრის ნატეხი აქვს თავში ჩართყმული. პაციენტს ორი ნაკერი აქვს, ახლა ნევროპათოლოგი მონიხაზულეს და რამდენიმე წლით მედიკოსების დაკვირვების ქვეშ დარჩება,“ — აღნიშნა დედოფლისწყაროს საავადმყოფოს ქირურგმა, რევაზ კოპალიანმა.

მომხდართან დაკავშირებით შს დედოფლისწყაროს პოლიციის სამმართველოში აღძვლილია სისხლის სამართლის საქმე, მიმდინარეობს წინასწარი გამოძიება. უკვე დაკითხულია რამდენიმე პირი.

ყულვერ კოჭლამაზაშვილის მამამ, რომელიც „ქართული ოცნების“ წევრია, განაცხადა, რომ მის შვილზე თავდასხმა პოლიტიკური ნიშნით მოხდა, რადგან მის ოჯახს ფიზიკური ანგარიშსწორებით ხშირად ემუქრებოდნენ.

ილია მარტყოფლიშვილი

სახელმწიფო ფიროსმანის გარემოში კვლავ გაიმართება

(დასაწყისი პირველი გვერდი)

მათ შორის: რუსეთის, უკრაინის, იაპონიის, იტალიის და საფრანგეთის. დამთავალიერებელს ერთ სივრცეში ექმნება წარმოდგენა, რა მასშტაბებს გასწვდა ფიროსმანის შემოქმედება. თუ გავითვალისწინებთ იმასაც, რომ მის სივრცეებში ერთადერთი პერსონალური გამოფენა ფიროსმანის გარდაცვალებამდე 2 წლით ადრე მოეწყო. ილია ზდანევიჩმა გამოფენა მის სახელისწილობაში გააკეთა. სივრცის შემდეგ კი ფიროსმანის ნამუშევრებმა მსოფლიოს ძალზე ბევრი ქვეყანა მოიარა. ამ ერთ დარბაზში მეოცე საუკუნეში სხვადასხვა დროს გამართული გამოფენების აფიშები გამოიფინება.

მირზანის მუზეუმის მთავარ დარბაზში, სადაც ორიგინალებია დაცული, ის ასევე დარჩება. მათ შეემატება კიდევ ორი ორიგინალი, რომლებიც სარესტავრაციოდ არის გაგზავნილი. ეს გახლავთ „მწილიარე ქალი“ და „თამარ მეფე“, რომლებიც ძალზე რთულ მდგომარეობაში იყო და სასწრაფო დახმარებას საჭიროებდა, ფიროსმანობის დღესასწაულისთვის მასზე მუშაობა დასრულდება და განახლებული ორიგინალებიც დაბრუნდება.

ამას გარდა, როგორც ზემოთაც ვთქვით, მომდევნო დარბაზში მოეწყობა იტალიელი თვითნასწავლი მხატვრის ანტონიო ლიკაპოეს ნამუშევრების გამოფენა, მასაც ფიროსმანივით

ცხოვრების რთული გზა აქვს გავლილი და ბევრი პარალელის გავლება შეიძლება. დამთავალიერებელს საშუალება ექნება ისეთივე ტიპის შემოქმედის ნამუშევრებს გაეცნოს, როგორც ფიროსმანი იყო. მაყურებელს შეეძლება დაინახოს, რა არის მსგავსება და განსხვავებები მათ შემოქმედებაში. გამოფენილი იქნება მისი ნამუშევრების ასლები. კიდევ ერთი დარბაზი ფიროსმანის თემაზე შექმნილ ნამუშევრებს დაეთმობა, - განუცხადა გაზეთ „მირაქს“ კულტურული მემკვიდრეობის დაცვის ეროვნული სააგენტოს მუზეუმ-ნაკრძალებისა და სამუზეუმო კოლექციების მართვის სამსახურის მენეჯერმა ირმა დოლიძემ.

„მსოფლიო ბანკის პროექტებში წარდგენილი იყო ფიროსმანის მუზეუმის განვითარების პროექტი, თუმცა, ამ ეტაპზე, მისი დაფინანსება ვერ მოხერხდა. ფიროსმანის მემორიალური სახლის რეაბილიტაცია გარდაუვალი იყო. კედლები დაზიანებული იყო და სასწრაფო რეაბილიტაციას ითხოვდა. ამისათვის „კულტურული მემკვიდრეობის დაცვის ეროვნულმა სააგენტომ“ გამოიხატა რესურსი და მემორიალური სახლის ძირეული რეაბილიტაცია მიმდინარეობს, რომელიც ფიროსმანობისთვის დასრულდება. გადაიხურა ჭერი, გამაგრდა კედლები და რაც ყველაზე მტკივნეული საკითხი იყო, ტურისტებისთვის მიმდინარეობს

სველი ნერტილები მოწყობა. ძირითადი სამუშაოები უკვე დასრულებულია. ძალიან მოხარული ვართ, რომ ამ სამუშაოების განხორციელება მოხერხდა. რეაბილიტაციის პროცესის დაუყოვნებლივ დაწყება აუცილებელი იყო, რადგანაც დარბაზში მუშაობის ვარიანტი არ არსებობდა. გამაგრებული რომ არ ყოფილიყო, რამდენიმე დღის წინ მომხდარი მიწისძვრების დროს მემორიალური სახლი დაინგრებოდა. ამ დროს მე მუზეუმში ვიყავი და საკმაო ბიძგები იგრძნობოდა, რაც შენობას ძალზე დააზიანებდა. ფაქტობრივად, სახლი გადაარჩა! ფიროსმანობის დღისთვის ასევე გამოიკვამა ფიროსმანის გზამკვლევი, რომელიც აქამდე არ ყოფილა, მიუხედავად იმისა, რომ მუზეუმი 50 წლის გახდა. ამავე დღეს მოხდება გზამკვლევის პრეზენტაცია. მინდა, ასეთი გამოწვევა შევთავაზო ყველა ქართველს, ნებისმიერ მხატვარს, ვისაც რა ფორმით სურს მონაწილეობის მიღება „ფიროსმანობის“ ღონისძიებაზე, მზად ვართ გავიზიაროთ!“ - აცხადებს ფიროსმანის მუზეუმის მმართველი ნელი გობეჯიშვილი.

ნიკალას ეზოში კულტურული ღონისძიებებისა და გამოფენების პარალელურად სხვადასხვა სპორტული შეჯიბრებებიც გაიმართება. იქვე ტრადიციული ქართული კერძების დაგემოვნებაც იქნება შესაძლებელი.

ილია მარტყოფლიშვილი



ფიროსმანი დეტალებში

ალბომი „ასი კვადრატი“ ფიროსმანის სურათებში გაფანტული მარგალიტების - დეტალების ძიება და მას პითაგორას თუ მალევიჩის „კვადრატებთან“ მხოლოდ გეომეტრიული მსგავსება აკავშირებს, - გვაფრთხილებს ალბომის კონცეფციის ავტორი, მხატვარი ვახტანგ რურუა.

კვადრატი აქ მხოლოდ ინსტრუმენტად არის შერჩეული, რომელიც მარტივი და მონესრიგებული ფორმატის ჩარჩო-ვიზირია.

ვახტანგ რურუამ ფიროსმანის 25 სურათიდან 100 დეტალი გამოყო და საშუალება მოგვცა, ამ გენიალური მხატვრის შემოქმედება კიდევ ერთხელ გავეაზრებინა. როდესაც საქმე შედევრის ეხება, ყველამ იცის, რომ იქ შემთხვევითი არაფერი შეიძლება იყოს, ისევე, როგორც ამ სამყაროში ღმერთს არ შეუქმნია შემთხვევითი არაფერი. ფიროსმანი ის მხატვარია, რომელიც პასუხისმგებელია თითოეულ დეტალზე და მათგან ქმნის ერთ მთლიანობას, თუმცა კი ეს დეტალები ისეა განაწილებული კომპოზიციურად, რომ უბრალო დამთავალიერებელი ხშირად მათზე ყურადღებას არც ამახვილებს. ხშირ შემთხვევაში ეს დეტალები ფიროსმანთან კინოკადრებსაც კი შეგვიძლია შევადაროთ, რომელთა შეკრებით მხატვარი რაღაც ამბავს გვიყვება, ანდა იაპონურ ჰაიკუს - რამდენიმე პოეტური ფრაზა და ჩვენს წინ დასრულებული სურათი ჩნდება.

ფიროსმანი არ არის ისეთი მრავალკომპონენტანი კომპოზიციების მხატვარი, როგორც ბოსხი, მაგრამ დეტალების დამუშავების მისეული ფორმა ამ მხატვრის შემოქმედებას შედეგებად აქცევს.

„ეს ალბომი კიდევ ერთელ გვარწმუნებს, რამხელა ოსტატი გვყავს, რამხელა სამყარო მოგვცა. ამ დეტალებში სწორედ მისი საშემსრულებლო ოსტატობა იკვეთება - მხოლოდ გენიოსს შეუძლია, ასეთი სახვითი ეფექტი ფუნჯის 2-3 ძალდაუტანებელი მოძრაობით მიიღოს. მართალია, ფიროსმანის შემოქმედება აღიარებულია, მაგრამ ვერ ვიტყვით, რომ მისი სიღრმე ყველასათვის გასაგებია. ერთხელ, ფიროსმანის შემოქმედებაზე ერთსაათიანი საუბრის შემდეგ, მომიბრუნდნენ და მკითხეს: ხატვა იცოდოდ? ეს ალბომი სწორედ ამის გარკვევაში დაგვეხმარება,“ - ამბობს ხელოვნებათმცოდნე გოგი ხოშტარია.

ფიროსმანის სურათებში შეიძლება გაუთავებლად მოძებნო დეტალები, რომლებსაც დამოუკიდებელი მხატვრული ღირებულება აქვთ. ალბომში ბოლო კვადრატი ცარიელია - თითქოს ავტორი მიგვანიშნებს, რომ ფრაგმენტების ძიება დამოუკიდებლად შეგვიძლია განვაგრძოთ.

ამ ალბომს ერთი ფუნქციაც გააჩნია: მნიშვნელობა არ აქვს, იცნობს თუ არა დამთავალიერებელი ფიროსმანის შემოქმედებას, მისი ნახვისას ერთ ჭეშმარიტებას აუცილებლად მიხვდება - ნებისმიერ შედევრს კოლოსალური შრომა სჭირდება.

ამგვარი ალბომი საინტერესოა ხოლმე მხატვრების, ხელოვნებათმცოდნეებისა და სტუდენტებისათვის, მაგრამ, ფიროსმანის შემთხვევაში, უცხოელთათვის ქართული კულტურის გასაცნობად და ჩვენთვის მის წარმოსაჩენად ეს გამოცემა ერთ-ერთი საუკეთესო საშუალება იქნება.

წელს ნიკო ფიროსმანს 150 წელი უსრულდება, რაც ოენესკოს ეგვიდით აღინიშნება. შეიძლება ითქვას, რომ ფიროსმანის საიუბილეო დღესასწაულები ამ ალბომის გამოცემით უკვე დაიწყო.

ფიროსმანის ახდენილი ოცნება

დედოფლისწყაროს მუნიციპალიტეტის სოფელ მირზანში, მრგვალ მაგიდასთან, ნიკო ფიროსმანი სამოვარის თანხლებით 19 ოქტომბერს გაიხსენეს.

„შეხვედრა ფიროსმანთან“ — „საქართველო-გერმანიის საზოგადოების“ ორგანიზებით უკვე მეოთხედ ტარდება. სპეციალურად ამ დღისთვის სოფელ მირზანში 30-მდე უცხოელი სტუმარი ჩავიდა.

როგორც „საქართველო-გერმანიის საზოგადოების“ თავმჯდომარე გოჩა ლულელაურმა გაზეთ „მირაქს“ განუცხადა, ამგვარ შეხვედრებს ტრადიციული სახე აქვს.

„მოგესვენებათ, 1916 წელს ნიკალამ თქვა: „შევიკრიბოთ მრგვალ მაგიდასთან, ვსვათ ჩაი და ვისაუბროთ ხელოვნებაზეო“ — სწორედ ამიტომ, ფიროსმანის საიუბილეო თარიღთან დაკავშირებით, ხელოვანი ხალხი, მათ შორის უცხოელი სტუმრები, შევიკრიბეთ და სამოვარის თანხლებით, ვისაუბრეთ ხელოვნებაზე. სტუმრები ჩამოვიდნენ გერმანიიდან, შვედეთიდან, ამერიკასა და იტალიიდან. ნიშანდობლივია ისიც, რომ ეს ხელოვანი ადამიანები საკუთარი

ხარჯებით გვესტუმრნენ, რათა ფიროსმანს და მის შემოქმედებას პატივი მიაგონ და დააფასონ,“ — აღნიშნა გოჩა ლულელაურმა.

გაზეთ „მირაქს“ ინფორმაციით, აქცია 2006 წლიდან, ორ წელიწადში ერთხელ ტარდება.

გოჩა ლულელაურის განმარტებით, 20 ოქტომბერს მათივე ორგანიზებით, თბილისში, „ქარვასლაში“ გაიმართება გამოფენა „ფიროსმანი და თანამედროვე ხელოვნება“. გამოფენა გერმანიის საგარეო საქმეთა სამინისტროს მხარდაჭერით იმართება.

მისი თქმით, ამგვარ შეხვედრებში უცხოელი ხელოვანების მონაწილეობა ძალზე მნიშვნელოვანია, რადგანაც, სტუმრად ჩამოსული ხელოვნების სფეროს წარმომადგენლები უნებურად ნებაყოფლობითი ელჩები ხდებიან ფიროსმანის ხელოვნების, ქართული კულტურის, ჩვენი ყოფისა და მისი ტრადიციების.

„ეს მონაწილეები შემდგომში ესტაფეტას გადასცემენ სხვა მონაწილეებს, ხელოვნების დანარჩენ წარმომადგენლებს და ურჩევენ ამ ბიენალეში მიიღონ მონაწილეობა. ამ გზით ისინი საკუთარ ქვეყნებში ფიროსმანის შემოქმედებასა და ქართული კულტურის ირგვლივ ნაყოფიერ პოპულარიზაციას ენევიან,“ - აღნიშნავს ლულელაური.

შეხვედრის დროს წარმოიშვა იდეა, შეიქმნას ფონდი, რომელიც ფიროსმანის პოპულარიზაციაზე აქტიურად იმუშავებს ჩვენი ქვეყნის საზღვრებს გარეთ. მუზეუმის მმართველმა ნელი გობეჯიშვილმა გააჟღერა იდეა - დაწესდეს ფიროსმანის სახელობის სტიპენდია. ეს უნდა იყოს სტიპენდია, რომელიც ნიჭიერი ახალგაზრდების საზღვარგარეთ სწავლებას უზრუნველყოფს.

მისივე თქმით, ადრე არსებობდა ფიროსმანის სახელობის პრემია და უმჯობესია ის აღდგეს:

„ფიროსმანის სახელობის პრემია მხოლოდ ერთხელ გაიცა, ის არბოშიკელ თვითნასწავლ მხატვარს ალექსანდრე ალადაშვილს მიენიჭა. კარგი იქნება, თუ ეს ტრადიცია აღდგება“. - განაცხადა ნელი გობეჯიშვილმა.

ილია მარტყოფლიშვილი



ვიცხოვროთ უსაფრთხო გარემოში

რამდენიმე დღის წინ არასამთავრობო ჰუმანიტარულმა ორგანიზაციამ „Mercy Corps“-მა, რომლის მიზანია ბუნებრივი კატასტროფების შემცირება და ბიომრავალფეროვნების დაცვა კავკასიის რეგიონში, პროექტის ფარგლებში დედოფლისწყაროში მორიგი შეხვედრა გამართა. შეხვედრა ითვალისწინებდა სამუშაო ჯგუფის ჩამოყალიბებას, პრობლემების მოკვლევას და გამოვლენას ჩვენს მუნიციპალიტეტში. შეხვედრას ჩვენი მხრიდან ესწრებოდნენ „Mercy Corps“-ის პროექტის ოფიცერი კობა ალუღიშვილი, მწვანეთა მოძრაობა „დედამიწის მეგობრები“ - არასამთავრობო ორგანიზაციის წარმომადგენელი ირმა რობიტაშვილი, დედოფლისწყაროს მუნიციპალიტეტის წარმომადგენლის მხრიდან ანა ბენაშვილი. სამუშაო შეხვედრას უძღვებოდა „მერსი ქორფსის“ მონიტორინგის უფროსი ოფიცერი ლიკა მარღანია.

„Mercy Corps“-ის დონორი ორგანიზაცია გახლავთ ევროკავშირი და ის ერთი მილიონიანი პაკეტით ფინანსურად უზრუნველყოფს ამიერკავკასიის სამი რეგიონის, სომხეთის, საქართველოს და აზერბაიჯანის სასაზღვრო რაიონებს ბუნებრივი კატაკლიზმების საფრთხეების აღმოფხვრისა და შემცირების კუთხით. შეგახსენებთ, რომ „Mercy Corps“-ის ერთ-ერთი აქცია დედოფლისწყაროში რამდენიმე კვირის წინ უკვე მოეწყო, რომლის შესახებაც ჩვენი გაზეთის ფურცლებიდან ვიწყობდით, პროექტის მონაწილეებმა დარგეს 50 კატალპას ნერგი ხორნაბუჯის საჯარო სკოლაში. ამ შემთხვევაში მორიგი სამუშაო შეხვედრის მთავარი მიზანი გახლდათ ინფორმაციის მოპოვება და კვლევა დედოფლისწყაროს წინაშე ბოლო ათწლეულში გამოკვეთილი

არსებული ბუნებრივი საფრთხეების და კატაკლიზმებისა, რათა პროექტის ფარგლებში მოხდეს მზაობა ამ გამოწვევებისა და რისკების უზრუნველყოფის მიზნით.

როგორც გაირკვა, საქართველოს 7 სასაზღვრო რაიონში ჩატარებული ზოგადი კვლევების შედეგად მეცნიერებმა დადეს თითქმის ყველა მიმართულებით, (ესაა სასოფლო სამეურნეო, სოციალური თუ ბუნებრივი კატაკლიზმების შემცველი შემდეგი სურათი, - აღმოჩნდა, რომ დედოფლისწყაროში კატასტროფული მოვლენებიდან ყველაზე პრიორიტეტული რისკები გახლავთ - გვალვა, გრიგალი, ტემპერატურის მკვეთრი ცვალებადობა, გაუდაბნოება და ხანძრების სიხშირე. გამოიკვეთა ის სურათიც, თუ რამდენად მაღალია ამ კატაკლიზმების შედეგად მიყენებული ზიანი გარემო პირობებისთვის და უპირველესად ადამიანისთვის. ასევე დაისვა საკითხი ამგვარადაც, რეგულაციებზე ეს მოვლენები, თუ პროგრესირებენ. ჩვენდა სამწუხაროდ ხმათა უმრავლესობით აღმოჩნდა, რომ ჩამოთვლილი ბუნებრივი მოვლენები წლებთან ერთად თანდათან უფრო პროგრესირებენ, ვიდრე რეგულაციები.

რაც შეეხება გამომწვევ მიზეზებს და შედეგებს, გვალვას, ტემპერატურის მკვეთრ ცვალებადობას, გრიგალს, გაუდაბნოებას და ხანძარს იწვევს კლიმატის შეუსაბამობა, მიკროკლიმატის შეცვლა მშრალი ჰავით, ნალექების არათანაბარი გადანაწილება, რაც იწვევს ნიადაგის დეგრადაციას, 100%- იან მიწის ეროზიას, მოსავლიანობის შემცირებას და ა.შ. გამოსავლის ძიებაში საინიციატივო ჯგუფის გამოკითხვის შედეგად დადგინდა და განისაზღვრა პრიორიტეტები, თურთ შეიძლება ვუშველოთ აღნიშნულ პრობლემებს და რა ღონისძიებები შეიძლება ჩავატაროთ მათ აღმოსაფხვრელად. გამოიყო 6 ძირითადი პრინციპი, რომელიც თითქმის ყველა შემთხვევაში უნდა იქნას გათვალისწინებული: 1-აუცილებელი ქარსაფარი ზოლების კიდევ უფრო მეტი განაშენიანება, 2-რაც შეიძლება მეტი ტერიტორიის გატყვანება და ახალი გვალვაგამძლე ჯიშის ნერგების გადარგვა, 3-სარწყავი სისტემის დანერგვა, 4-ალტერნატიული ენერჯორესურსების დანერგვა, 5-მოსახლეობის



ცნობიერების ამაღლება, 6-საკანონმდებლო ბაზის დანერგვა. საკითხი დაისვა ამგვარადაც, თუ რამდენად მაღალი რისკის ქვეშაა რაიონში არსებული პრიორიტეტები. აღმოჩნდა, რომ ზარალის მიყენების კუთხით დედოფლისწყაროში არსებული ბუნებრივი კატაკლიზმები ყველაზე დიდ საფრთხეს უქმნის მემინდვრობას 16 ქულით, მევენახეობას 14 ქულით და მესაქონლეობას 12 ქულით. როგორც ჩანს, იმის რისკი, რომ მომავალში უფრო მეტად დავდგებით ამგვარი ბუნებრივი კატაკლიზმების წინაშე, საკმაოდ მაღალია. იმედს ვიტოვებთ, ევროკავშირის მიერ დაფინანსებული პროექტი მალე ამოქმედდება, რაც მცირედით მაინც შეამცირებს ჩვენს წინაშე არსებული ბუნებრივი საფრთხეების გამოწვევების ალბათობას, რაც იქნება გარანტი ვიცხოვროთ უსაფრთხო გარემოში.

ლალი მხრიშვილი

რა ღირს ქართული ცხვარი?

საქართველოში ცხვრის ხორცი მაღალი გაყიდვით არ გამოირჩევა. ჩვენში არ არის ტრადიცია, რომ ცხვრის ხორცი აქტიურად გამოვიყენოთ. წელიწადში სულ 2-3 დღეა, აღდგომის ჩათვლით, როცა ოჯახში ცხვრისა და ბატკნის კერძი კეთდება სადილად, - ასეთია ამ საკითხის მიმართ ბოლო წლებში ე. წ. სპეციალისტების ჩამოყალიბებული აზრი. ისინი ამ მოსაზრების მეტი დამაჯერებლობისთვის სტატისტიკას იშვებენ - ცხვრის ხორცის მოხმარება ადგილობრივ ბაზარზე 5-7 პროცენტს არ აღემატება.

ამის მიუხედავად, ცხვრის ხორცის ფასი მაინც ძალიან მაღალია და უტოლდება საქონლისა და ღორის ხორცის ფასს. ცოცხალი ბატკანი დაახლოებით 150 ლარი ღირს, ცხვარი კი 180 - 200 ლარი ღირს. არადა, 2009 წლამდე ცხვრის შეძენა 60 - 80 ლარი ჯდებოდა. სწორედ ამ წელს დაიწყო საქართველოდან ცოცხალი ცხვრის მასიური ექსპორტი მუსულმანურ ქვეყნებში - არაბეთის გაერთიანებულ საემიროებში, ერაყში, ქუვეიტში, სირიასა და ყატარში. 2009 წელს საქართველოდან 267 000 ათასი სული ცხვარი გაიყვანეს, 2010 წელს - 160 560.

როგორც ვარაუდობენ, საქართველოს შეუძლია საექსპორტოდ გაიყვანოს 300 000 სული ცხვარი, რაც სავარაუდოდ კიდევ უფრო გააძვირებს ცხვრისა და ბატკნის ხორცს ადგილობრივ ბაზარზე.

ეს ის "საინტერესო" შემთხვევაა, როცა ცხვრის ძვირად გაყიდვით დაინტერესებული პირები ერთხმად ამტკიცებენ, - ცხვრის გაძვირება ნუ გვაშინებს, სამაგიეროდ ქვეყანაში ფული შემოვა, ჩვენი მოსახლეობა ხომ ცხვრის ხორცს იშვიათად მოიხმარსო.

არა მგონია მოსახლეობა ეთანხმებოდეს ამ არგუმენტს. ჯერ ერთი, ცხვრისა და ბატკნის რეალიზაცია ქართულ ბაზარზე მკვეთრად შემცირდა სწორედ არარეალურად მაღალი ფასის გამო. მეორეც, - ჩვენში მიჩნეულია, რომ ცხვრის ხორცი ზოგადად მანყინარია. ამ საკითხზე

კომპეტენტურ პასუხს ალბათ ექიმი - დიეტოლოგები გაგვცემენ, თუმცა კი, მაგალითად, ცნობილია, რომ კვების ინგლისურ თანამედროვე სამედიცინო გაიდლაინებში (რეკომენდაცია), 1 წლიდან ბავშვის ბატკნის ხორცი კვება რეკომენდებულია, რასაკვირველია სხვა საკვებთან ერთად.

ბიზნესს, მათ შორის ხორცის ბიზნესს თავისი კანონები აქვს და, ყველას ღმერთმა მოახმაროს ალალი შრომით ნაშოვნი ფული, მაგრამ რამდენად

მსოფლიოს ერთ-ერთ ყველაზე ძვირ ქალაქში მოსკოვშიც კი ხორცის ყიდვა უფრო იაფად შეიძლება, ვიდრე თბილისში. თუმცა, ყველა შემთხვევაში მთავლილ ქვეყანაში ექსპორტები და რიგითი მოქალაქეები ხორცის ფასს ხელოვნურად გაზრდილს უწოდებენ და აცხადებენ, რომ ახალ ხორცზე მაღალ მაზანდას გაყიდვით ხორცის ბიზნესის ხელშეწყობისათვის აწესებენ.

სურსათის საერთაშორისო ორგანიზაციები 2013 წლიდან სოფლის



ნორმალურია, რომ ხორცი მოსკოვში უფრო იაფია, ვიდრე საქართველოში. მოსკოვში საქონლის ხორცის ფასი 8 ლარიდან იწყება და 13 ლარამდე ადის, ერევანში - 10,4 ლარი, ბაქოში 12-17 ლარი ღირს, კიევში კი ხორცის მაქსიმალური ფასი 15 ლარია. როგორც ამ ციფრებიდან ჩანს,

მეურნეობის პროდუქტისა და ხორცის ფასის მნიშვნელოვან ზრდას პროგნოზირებენ. ჩვენ უბრალოდ უფლება არა გვაქვს ტრადიციულ დარგებზე არ ვიზრუნოთ, მითუმეტეს არ მივხედოთ მეცხვარეობას. საჭიროა განისაზღვროს სწორი მენეჯმენტი, რომ სულ ცოტა ხნის წინ ასე ხელმისაწვდომი

ცხვრისა და ბატკნის ხორცი დაუბრუნდეს დაბალმსყიდველუნარიან ქართულ ბაზარს.

გასაგებია, რომ ხორცის ფასთანარმოქმნას უამრავი ფაქტორი განაპირობებს - საძოვრების სიმცირე, საქონლის გადასარეკი ტრასების მოუნესრიგებლობა, დაავადებები, გადასახადები, უწყებრივი ბარიერები და უამრავი სხვა ფაქტორი. ამ საკითხებთან დაკავშირებით კომენტარი მეცხვარეთა ასოციაციის თავმჯდომარეს ბექა გონაშვილს ვთხოვეთ.

- წინა წელთან შედარებით შემცირებულია ცხვრის ექსპორტი, მაგრამ იმისთვის, რომ ცხვარი ქართულ ბაზარს დაუბრუნდეს, ამისთვის ბევრი რამაა გასაკეთებელი. პირველი, არ შეიძლება საძოვარზე ამხელა გადასახადი იყოს - 1 ჰა-ზე 16 ლარი. მეცხვარეებს ზამთრისა და ზაფხულის საძოვრების მოხმარება უწევთ, საერთო ჯამში მათ 30 ლარის გაღება უხდებათ მარტო გადასახადის სახით. ცხვრის თვითღირებულება იზრდება და მისი ფასი 115 ლარს აღწევს, ხოლო თუ მეცხვარეს საძოვრის ქირაობა უწევს, მაშინ ცხვრის თვითღირებულება კიდევ უფრო იზრდება და 127 ლარს აღწევს. საძოვრის მაღალი ფასი განსაზღვრავს შემდეგში იმას, რომ მეცხვარეები გაცილებით დიდი ოდენობის ცხვარს აძოვებენ, ვიდრე საჭიროა. ეს კი იწვევს ჭარბ ძოვებას, რაც გაუდაბნოებას გამოიწვევს ერთ-ერთი მიზეზია. რაც შეეხება ცხვრის ხორცის ხარისხს, აქაც სერიოზული პრობლემაა: ჯერ ერთი, სათანადო ყურადღება არ ექცევა სელექციას, ხარისხიანი საკვების პრობლემაც არსებობს, რადგან ქერი და ხორბალი საკმაოდ ძვირია, ასევე ყურადღებას იტხოვს ფერმები, რომლებიც სიძველისგან ამორტიზირებულია. ამ პრობლემების მოგვარებას კარგი მენეჯმენტი სჭირდება. აი, მაშინ კი დაუბრუნდება ცხვრის ხორცი დაბალმსყიდველუნარიან ქართულ ბაზარს.

მიხაილ მღვრიშვილი

პურის ბაზარზე სერიოზული კრიზისია პური გაძვირდა, ხორბალი?

რამდენიმე დღის წინ საქართველოში პური გაძვირდა. საცალო ქსელში ქარხნული პურის ფასმა 5 თეთრით, ხოლო თონის პურმა 10 თეთრით მოიმატა. პირველად პურის ფასზე ცვლილება რეგიონებში მოხდა, მოგვიანებით კი ამ პროცესმა დედაქალაქშიც გადაინაცვლა. ხორბლისა და პურ-პროდუქტების მწარმოებელთა ასოციაციის ხელმძღვანელის ლევან სილაგავას თქმით, პურის გაძვირების მთავარი მიზეზი მსოფლიო ბაზარზე ხორბლის მარაგის სერიოზული კრიზისია.

„ჩვენი მომწოდებლები ძირითადად რუსეთი, უკრაინა და ყაზახეთია. გვალვის პერიოდები დაემთხვა ხორბლის აღებას და მოსავალი შეუმცირდა. მაგალითად, შარშან რუსეთში თუ 95 მილიონი ტონა ხორბალი მოვიდა, წელს 68 მილიონი მიიღეს. მსოფლიო სასურსათო კომიტეტი ყოველწლიურად აქვეყნებს ინფორმაციას ქვეყნებში არსებული მარაგების შესახებ და ყველგან არასახარბიელო მდგომარეობაა. შარშან, მსოფლიოში 696 მილიონი ტონა ხორბალი მოვიდა, წელს ოქტომბერში გამოქვეყნდა 653 მილიონი ტონა“ - აცხადებს სილაგავა.

მისივე თქმით, ყველა ექს-

პორტიორი ქვეყანა აქვეყნებს დაახლოებით რამდენ ტონა ექსპორტს გაიტანს მარკეტინგული წლის განმავლობა-

რი. როგორც უკრაინელები ვარაუდობენ, ეს ზღვარი მათთან იანერის შუა რიცხვებში დადგება. თუ ფოთში შე-

აპროტესტებენ საქართველოში მთავარ პროდუქტზე ფასის მომატებას და ამბობენ, რომ „საქართველოს პურის

ბლის ფასმა?

გაზეთ „შირაქის“ ინფორმაციით, 1 კგ. ხორბალი 45—50 თეთრი ღირს. როგორც ხორბლის მწარმოებლები აცხადებენ, ხორბლის ძველი ფასი მდგრადობას ინარჩუნებს და პურის გაძვირებას ხორბლის ფასზე გავლენა ჯერ არ მოუხდენია. მიუხედავად იმისა, რომ წელს ხორბლის დაბალი მოსავალი იყო საქართველოშიც. ისინი გულისტკივილით საუბრობენ, რომ ენერგომატარებლებზე, ტექნიკასა და სასუქზე მაღალმა ფასმა ბოლო წლების მანძილზე ხორბლის წარმოება მნიშვნელოვნად შეამცირა. ბევრი წვრილი ფერმერი უარს ამბობს მინის დამუშავებაზე უსახსრობის გამო, ზოგჯერ კი ფერმერებს მოსავალს არასახარბიელო ამინდი და გარემო პირობებიც უმცირებს. წელს უამინდობამ ხორბლის მოსავლის 40 პროცენტი გააფუჭა დედოფლისწყაროში.

სწორედ ამ ფაქტორებმა გახადა საქართველო მსოფლიო ბაზარზე დამოკიდებული. წინააღმდეგ შემთხვევაში, სამამულო პროდუქცია ქვეყნის შიდა ბაზარს მთლიანად ვერა, მაგრამ მნიშვნელოვანი წილად მაინც დააკმაყოფილებდა.

ინგა შიოლაშვილი



ში. „შარშან რუსეთს 3ქონდა 27 მილიონი ტონა, წელს აცხადებდა 12 მილიონ ტონას, უკრაინა 5 მილიონ ტონას. რუსეთიდან 8 მილიონი ტონა უკვე გატანილია. ნოემბერში დადგება კრიტიკული ზღვა-

მოტანილი რუსული ხორბლის ფასი იყო 250 აშშ დოლარი, დღეისათვის ეს უტოლდება 350 -360 დოლარს, ანუ 100 დოლარით გაძვირდა“, — აღნიშნა სილაგავამ. დედოფლისწყაროელები

ბელელად“ წოდებულ რაიონს ეს არ უნდა შეხებოდა. ჩვენ დავინტერესდით, რამდენად აისახა ფქვილსა და პურზე ფასების ზრდა ადგილობრივი პროდუქციის ფასზე, კერძოდ, მოიმატა თუ არა ხორ-

სამთაწარმოელი აკომიგრანტები მიწების დაბრუნებას ითხოვენ

დედოფლისწყაროს მუნიციპალიტეტის სოფელ სამთაწაროს მოსახლეობა ჩამორთმეული მიწების დაბრუნებას ითხოვს. ამ მოთხოვნით სოფელში ასამდე მცხოვრებმა მიწების გასხვილება გააპროტესტა.



ნიკოლოზ შაშვილი: „მიწები აუქციონით, კანონიერად გაიყიდა და მათი ყიდვა სამთაწაროელებსაც შეეძლოთ“

„აქ არსებობს ველარ ვახერხებთ, ცხოვრება ძალიან გვიჭირს. მინა რომ გვექნება დამუშავებას არავინ დაიზარებს და საარსებო წყარო გვექნება. ასე თუ გაგრძელდა და მიწებიც ვერ დავიბრუნეთ, ავდგებით და ისევ აჭარაში გადავსახლდებით“ — აცხადებს მოსახლეობა. ამ სადაო მიწებზე ამჟამად ზეთისხილის სანერგეა გაშენებული. ადგილობრივები აცხადებენ, რომ არავინ განუმარტათ, რატომ ჩამოერთვათ, ან ვინ გააშენა ზეთისხილის პლანტაციები.

როგორც სამთაწაროელები ამბობენ, მინის გარეშე მათ სოფლად ცხოვრებას აზრი არ აქვს. მათი საარსებო პირობების გაუმჯობესებისთვის ადგილობრივები მოსახლეობისთვის მიწების დაბრუნების აუცილებლობაზე საუბრობენ. დედოფლისწყაროს მუნიციპალიტეტის გამგებობაში აცხადებენ, რომ ზეთისხილი აუქციონში გამარჯვებულმა კომპანიამ გააშენა.

სოფელ სამთაწაროში მიწების ჩამორთმევასთან დაკავშირებით მოგვიანებით კომენტარი გააკეთა დედოფლისწყაროს მუნიციპალიტეტის გამგებელმა ნიკოლოზ

შანშიაშვილმა. გამგებელი მომხდარში უკანონოს ვერაფერს ხედავს.

ნიკოლოზ შანშიაშვილმა განაცხადა, რომ მიწები აუქციონის წესით, სრულიად კანონიერად გაიყიდა და მათი ყიდვა სამთაწაროელებსაც თავისუფლად შეეძლოთ.

„მინას, რომელსაც საიჯარო ურთიერთობის ვადა გასდის, პირდაპირ აუქციონის ფორმით პრივატიზებას ექვემდებარება. როგორც ჩემთვის არის ცნობილი, ეს მიწები აუქციონზე არის გატანილი და ამ აუქციონში მონაწილეობის უფლება ყველა ადამიანს 3ქონდა, მათ შორის ყოფილ მოსარგებლებსაც. ამის შემდგომ გამოვლინდებოდა ახალი მესაკუთრე. ზუსტად არ მახსოვს, შპს-ს დასახელება, რომელმაც ამ მიწებზე ზეთისხილის პლანტაცია გააშენა, თუმცა ეს არის აუქციონში გამარჯვებული კომპანია,“ — განმარტავს დედოფლისწყაროს გამგებელი ნიკოლოზ შანშიაშვილი.

ზეთისხილის პლანტაციებთან მყოფმა დარაჯმა ჟურნალისტებს დაუდასტურა, რომ ტერიტორია იტალიელებს ეკუთვნის.

ილია მარტყოფლიშვილი

როგორც ცნობილია, საზღვრისპირა სოფელ სამთაწაროში აჭარიდან ჩამოსახლებული ეკომიგრანტები ცხოვრობენ. მათი განცხადებით, მიწების დიდი ნაწილი ჩამოართვეს და გაყიდეს.

მოსახლეობის განმარტებით, მოთხოვნის დაუკმაყოფილებლობის შემთხვევაში, საზღვრისპირა სოფლებში არსებული მიგრაცია კიდევ უფრო მასშტაბურ სახეს მიიღებს და სოფელი დაცლის წინაშე აღმოჩნდება.



გამოცდილების გაზიარება საპილოტე პროექტების პროგრამით

უკვე დასრულების ფაზაშია 2009 წელს, ევროკავშირის დაფინანსებით განხორციელებული რეგიონალური პროექტი „მინის რესურსების მდგრადი მართვა ნიადაგის დეგრადაციის შემცირებისა და სილარობის დაძლევისათვის სამხრეთ კავკასიის რეგიონში“. პროექტების განმახორციელებელმა მხარეებმა (საქართველო, აზერბაიჯანი, სომხეთი) უკვე მოახდინეს განხორციელებული საპილოტე პროექტების პრეზენტაციები ბულაჩაურში „CENN“-ის „მწვანე ცენტრში“. ამჟამად, მიმდინარეობს განხორციელებული პროექტების პრაქტიკულად გაცნობა და ადგილზე გამოცდილების გაზიარება.

რებთან ერთად, სილნალის მუნიციპალიტეტში, ქალაქ წნორში, ვაჟა ტუხაშვილის ფერმერულ მეურნეობას სტუმრობდნენ, სადაც, ამავე პროექტის ფარგლებში, განხორციელდა საპილოტე პროექტი „ორგანული სოფლის მეურნეობის განვითარების ხელშეწყობა“.

პროექტის ფარგლებში მოხდა კალიფორნიული წითელი ჭიყვლების ფერმის მონაცობა ბიოჰუმუსის წარმოების მიზნით. განხორციელებული



12 ოქტომბერს, სწორედ ამ პროგრამის ფარგლებში იმყოფებოდა ქართულ-აზერბაიჯანული მხარის 40 კაციანი დელეგაცია დედოფლისწყაროში, სოფელ ფიროსმანში, სადაც რამდენიმე დღის წინ, დასრულდა საპილოტე პროექტით გათვალისწინებული ბოლო საქმიანობა - თანამედროვე ტექნოლოგიების შესაბამისად, მინი სათბურის მონაცობა ბოსტნეული კულტურებისთვის, დამონტაჟდა წვეთოვანი რწყვის სისტემა და დაირგო პომიდვრის ჩითილები მულჩირების ტექნოლოგიის გამოყენებით. ჩამოსულ სტუმრებს პროექტის დეტალების შესახებ

საქმიანობების შესახებ ისაუბრა პროექტის განმახორციელებელი ორგანიზაციის „საქართველოს ფერმერთა სახლის“ დირექტორმა ლერი გიგინეიშვილმა. მან მიმოიხილა ბიოჰუმუსის წარმოების ძირითადი ეტაპები: ნედლეულის მომზადება, ფერმენტაცია, ჭიყვლების ჩასახლება, მზა პროდუქტის მიღება, სადედე ჭიყვლების გამოზრდა. როგორც აქ აღინიშნა, ერთ ჭიყვლას შეუძლია წელიწადში 1 500-მდე პოპულაციის მიღება. ჭიყვლების გამოკვება ხდება ქათმის სკორის და საქონლის ნაკვლის ნაზავით, რომელსაც სპეციალური



დამატემა ცემელი მონაცობით დამუშავებულ მაკულატურას, ნახერსს, თივას ნაფცევენებს და სხვადასხვა ბიოლოგიურ ნარჩენებს ურევენ. ჭიყვლების მიერ ამ საკვების გადაჭრების შედეგად მიღებული მასა უნიკალური ორგანული, ეკოლოგიურად სუფთა სასუქია ნიადაგისთვის. ის ერთდროულად შეიცავს ბუნებრივ კალიუმს, აზოტს და ფოსფორს, მცირე რაოდენობით შეიტანება ნიადაგში 6-7 წელიწადში ერთხელ.

ამგვარად გამდიდრებული ნიადაგიდან ხდება ეკოლოგიურად სუფთა პროდუქტის მიღება, ეს კი ხელს უწყობს, სამომავლოდ, ორგანული სოფლის მეურნეობის განვითარებას. თუ იმასაც გაითვალისწინებთ, რომ ევროპულ ბაზარზე გასატანი პროდუქცია, არსებული კანონმდებლობით, უნდა აკმაყოფილებდეს საერთაშორისო სტანდარტებს, მაშინ უნდა ვივარაუდოთ, რომ სულ მალე დადგება დღის წესრიგში ბიოჰუმუსის წარმოების და ორგანული სოფლის მეურნეობის განვითარების აუცილებლობა. წნორელმა ფერმერებმა ჭიყვლების ფერმაში წარმოებული ბიოჰუმუსის შეტანა უკვე მოახდინეს სასათბურე მეურნეობაში და ვარაუდობენ, რომ დეკემბრისთვის უკვე მიიღებენ ეკოლოგიურად სუფთა პომიდვრის მოსავალს.



ესაუბრნენ და პრაქტიკული საქმიანობები გააცნეს პროექტის ეროვნულმა კოორდინატორმა ნინო თევზაძემ და ადგილობრივმა კოორდინატორმა, დედოფლისწყაროს მუნიციპალიტეტის გამგეობის ადმინისტრაციული სამსახურის სპეციალისტმა ანა ბენაშვილმა. მოგეხსენებათ, რომ საპილოტე პროექტის „თესლბრუნვის პრაქტიკისა და წვეთოვანი რწყვის სისტემის დანერგვა სახნავი მიწების დეგრადაციის პრევენციისა და შერბილების მიზნით“, ფარგლებში, ფიროსმანში, ფერმერთა საინიციატივო ჯგუფის მიერ, ჩამოყალიბდა „სოფლის აღორძინების ასოციაცია“, რომლის წევრებმაც, ექსპერტთა რეკომენდაციების გათვალისწინებით თავად მოახდინეს სამონტაჟო სამუშაოები და ახლადშექმნილი მცირე ტექნიკის გამოცდა. შედეგით ყველა კმაყოფილი დარჩა. პროექტის ექსპერტმა, პროფესორმა კობა კობალაძემ მოკლედ ისაუბრა, კლიმატის ცვლილების პირობებში, თანამედროვე ტექნოლოგიების (წვეთოვანი რწყვის) გამოყენების უპირატესობებზე და მისი დანერგვის აუცილებლობაზე, უპასუხა სტუმრების შეკითხვებს.

როგორც ლერი გიგინეიშვილმა აღნიშნა, თანამედროვე ტექნოლოგიების გამოყენება გათვალისწინებულია მთავრობის მიერ დაგეგმილ სახელმწიფო პროგრამებში. საპილოტე პროექტების გაცნობა-დათვალისწინებაში მონაწილეობდა დედოფლისწყაროს მუნიციპალიტეტის სოფლის მეურნეობის განვითარების სამსახურის სპეციალისტი ვალერი გოგილაშვილი.



16 ოქტომბერს კი ფიროსმანელი ფერმერები, საგარეჯოელ და ბოლნისელ ფერმე-

ანა ბენაშვილი

მიწისძვრა აზერბაიჯანის საზღვართან და კვლავაც დაუთვლელი ზარალი

13-14 ოქტომბერს დედოფლისწყაროში მიწისძვრა დაფიქსირდა. მიწისქვეშა ბიძგები 13 ოქტომბერს ღამის 22.43 საათზე შეინიშნებოდა. მისი სიმძლავრე სავარაუდოდ 4 ბალს აღემატებოდა. ორი დღის განმავლობაში კახეთში მიწისძვრა რეაქვრ აღინიშნა.

ილიას უნივერსიტეტის სეისმური მონიტორინგის ცენტრის ინფორმაციით, მიწისძვრის ეპიცენტრი სილნალის რაიონის დაბა წნორში იყო და მისმა სიმძლავრემ 4,4 მაგნიტუდა შეადგინა. მონაცემები სეისმური მონიტორინგის ცენტრის ვებგვერდზე განთავსდა.

მოგვიანებით, სეისმური მონიტორინგის ვებგვერდზე მონაცემები შეიცვალა და აღინიშნა, რომ რყევების ეპიცენტრი აზერბაიჯანში, საქართველო-აზერბაი-

ჯანის საზღვრიდან 5 კილომეტრში საინგილოს ტერიტორიაზე აღინიშნა, 10 კილომეტრ სიღრმეზე. ეპიცენტრი სოფელი ითითალაა 4,6 მაგნიტუდი სიმძლავრით.

ნგრევის, მიყენებული ზარალისათვის ინფორმაცია ამ ეტაპზე არ არსებობს.

14 ოქტომბერს შუადღისას გაცილებით ძლიერი მიწისქვეშა ბიძგები კიდევ განმეორდა. საქართველოში თბილისის დროით, 14:13 საათზე მიწისძვრა მოხდა. სეისმური მონიტორინგის ცენტრის ინფორმაციით, მიწისძვრის სიძლიერემ 5,1 მაგნიტუდა შეადგინა.

მიწისძვრის ეპიცენტრი ქალაქი წნორის ჩრდილო-აღმოსავლეთით — 13კმ. სოფელი ულიანოვკაში მდებარეობდა. მიწისძვრის კერა 10 კმ. სიღრმეზე დაფიქსირდა.

აღნიშნულ მიწისძვრას წინ უსწერებდა უნფრო ნაკლები სიმძლავრის 3,7 მაგნიტუდის ბიძგები, რომელიც 14:08 საათზე ქალაქ წნორის აღმოსავლეთით 6 კილომეტრში სოფელ ერისიმედთან მოხდა. მისი კერა 6 კილომეტრ სიღრმეზე მდებარეობდა.

ლაგოდეხის რაიონის სოფელ ჭიურში მომხდარი მიწისძვრის შედეგად საჯარო სკოლის შენობა და საცხოვრებელი სახლი დაზიანდა. რადიო „ჭერეთის“ ცნობით, ლაგოდეხის გამგეობაში 387-ი დაზარალებული ოჯახის განცხადება შესული. ზარალის რაოდენობა ამ ეტაპზე უცნობია.

როგორც ისტორიული ჰერეთიდან გაზეთ „შირაქს“ ჰერეთის საინფორმაციო ცენტრის რედაქტორმა ზაურ რამაზანოვმა აცნობა, მიწისძვრა საინგილოში

მსხვერპლით დასრულდა. სოფელ ქორთალის მკვიდრი 1936 წელს დაბადებული ხ. ზინადოვა, მიწისძვრის დროს საცხოვრებელი სახლის დატოვებისას ნაიქცა, რის შედეგადაც ტვინის ტრავმა მიიღო. 76 წლის ქალი საავადმყოფოში მიყვანისთანავე გარდაიცვალა.

მიწისძვრამ მოსახლეობაში სტრესი და ფსიქოლოგიური დაძაბულობა გამოიწვია.

მიწისძვრის შედეგად ბოლო მონაცემებით, ბელექის რაიონის სოფელ ბედელარისა და შერიფის საშუალო სკოლები, ხოლო ახალი შერიფის სკოლა და ფოსტის შენობა დაზიანდა.

ბელექის რაიონულ საავადმყოფოში სულ 3 დაზარებული ადამიანი მიიყვანეს.

ილია მარტყოფლიშვილი

მშვიდობის კორპუსის პროგრამა „გოგონათა საერთაშორისო დღისთვის“

„მშვიდობის კორპუსის“ წარმომადგენლობის ორგანიზებით ქალაქ თბილისში „გოგონათა საერთაშორისო დღე“ აღინიშნა და მენტორების პროგრამა განხორციელდა. მასში ქვეყნის მასშტაბით მხოლოდ 7 გოგონა მონაწილეობდა, მათ შორის ორი დედოფლისწაყარო იყო.

როგორც „შირაქმა“ გარკვევა, პროგრამაში მონაწილეობა ქალაქ დედოფლისწაყაროს №1 საჯარო სკოლის მოსწავლეებმა ნინო სეფიაშვილმა და ქეთი ჩაფიაშვილმა მიიღეს. მოზარდი გოგონები სპეციალური კონკურსის წესით შეირჩნენ.

მონაწილეებს „გოგონათა საერთაშორისო დღე“ მიულოცეს საქართველოში ამერიკის ელჩის მეუღლემ მერი ჰანტენტ-მა და „მშვიდობის კორპუსის“ ხელმძღვანელმა რიკ რექორდმა.

„მშვიდობის კორპუსის“ ოფისში,

თბილისში ვიყავით მინვეულები. ეს პროექტი ემსახურებოდა მომავალ პროფესიებთან გაცნობას... მე სოციოლოგთან ვიყავი მიმაგრებული და იმასთან ერთად გავატარე მთელი სამუშაო დღე. სხვადასხვა არასამთავრობო ორგანიზაციების მუშაობის სტრუქტურას დეტალურად გავეცანი. ჩემი მეგობარი ქეთი ფსიქოლოგთან იყო. ლექციას დაესწრო და გამოფენაზე იმყოფებოდა. მონაწილეებს სხვადასხვა მენტორები გვყავდა... მთელი დღის განმავლობაში მათ სამსახურში ვიყავით და გავეცანი თითოეული მათგანის პროფესიებს და მათ თავისებურებებს. გულწრფელად ვითხრათ, ძალიან საინტერესო იყო. როგორც ვიცი, დედოფლისწაყაროდან მონაწილის კითხვარი ორზე მეტმა მსურველმა შეავსო, თუმცა, საბოლოო ჯამში მხოლოდ ორი მათგანი შეგვარჩიეს. იყვნენ ლაგოდეხიდან და თბილისიდანაც.



მართლაც ძალიან მნიშვნელოვანი და ნაყოფიერი იყო ჩვენთვის და მოხარულები ვიქნებით, თუ მსგავსი პროგრამები ხშირად განხორციელდება, — განუცხადა გაზეთ „შირაქს“ №1 საჯარო სკოლის მოსწავლე ნინო სეფიაშვილმა.

„გოგონათა საერთაშორისო დღე“ 11 ოქტომბერს აღინიშნა. მონაწილეთა ანკეტების შევსება და პროგრამა ინგლისურ ენაზე მიმდინარეობდა.

ილია მარტყოფლიშვილი

ი ს ი თ , თ უ ა რ ა რ ო მ . . .

• ენოტი საკვებს რეცხავს და ისე მიირთმევს. მას ურჩევნია შიმშილით მოკვდეს, ვიდრე მანამ შეჭამოს რამე, ვიდრე მას წყალში არ გაავლებს და კარგად არ გაასუფთავებს.

• ცხოველთა შორის ყველაზე მძინარა, კოალაა. მას დღე ღამეში 22 საათი ძინავს. თუ გავითვალისწინებთ, რომ კოალას სიცოცხლის საშუალო ხანგრძლივობა 15 წელია, გამოდის, რომ სიცოცხლეში დაახლოებით 13 წელს ძილში ატარებს.

• ვი, მთელი ცხოვრებას ერთ პარტნიორთან ატარებს და არც ბუდეს იცვლის.

• ჟირაფის კისერი დაახლოებით 2,5 მეტრი და 11 კილოგრამია.

• 1 გრამი თაფლის დამზადებისთვის, ფუტკარი 7 500 ყვავილისგან იღებს ნექტარს.

• თეთრ დათვს ძალიან კარგი ყნოსვა აქვს. მას შეუძლია 30 კილომეტრზე იგრძნოს ზვიგენის გვამის სუნი. 1 მეტრიანი ყინულის ქვეშ მყოფ სელაპსაც სუნით გრძნობს.

• დედალი ტერმიტი 30 000 კვერცხს დებს დღეში.

• დელფინი 200 მეტრის სიღრმეზე ჩადის და 15 წუთი შეუძლია გაძლოს ზედაპირზე ამოსვლისა და ჩასუნთქვა გარეშე.

ულოსავენი!
სვახლანა ხალაშვილი!
გილოცავთ დაბადების დღეს, უპირველეს ყოვლისა, გისურვებთ ჯანმრთელობას და წარმატებებს თქვენს საქმიანობაში. ადამიანის ცხოვრებაში სკოლა უზარმაზარ როლს თამაშობს და სწორედ თქვენნაირი პედაგოგის თავდაუზოგავი შრომა იმის საფუძველი, რომ ჯანსაღი თაობა აღიზარდოს. მეც მოხუცი ვარ და ისევე, როგორც დედა, კარგად ვაცნობებ, თუ რამდენად მნიშვნელოვანია მასწავლებლის როლი ბავშვის პიროვნებად ჩამოალიბებაში.

უღრმესი მადლობა, რომ წლების განმავლობაში ასე უერთგულეთ სკოლასა და ბავშვებს. კიდევ ერთხელ მინდა გამოვხატო თქვენდამი დიდი პატივისცემა, მადლიერება და ყოველივე საუკეთესო გისურვოთ.

პატივისცემით,
ხატია დეკანოიძე

*** * ***
შანა ბაბაიან-გაჰალოვს!
სოფელ ხორნაბუჯის საჯარო სკოლის 2007 წლის კურსდამთავრებულები გილოცავთ მთავრობის ჯილდოს-ლირსების ორდენს. თქვენ ნამდვილად დაიმსახურეთ ეს ჯილდო, რადგან კარგი ადამიანი და პედაგოგი ხართ. გისურვებთ ჯანმრთელობას, დიდხანს სიცოცხლეს და მრავალი ბავშვის აღზრდას. ძალიან გვიყვარხართ და მუდამ გვახსოვხართ!

დიდი სიყვარულით და პატივისცემით,
თქვენი ყოფილი მოსწავლეები

*** * ***
ნელი შოშიაშვილ-ყოჩიაშვილს!
ძვირფასო კოლეგა! გილოცავთ მთავრობის მაღალ ჯილდოს - „ლირსების ორდენს“, რომელიც შენ დაიმსახურე შენი პროფესიონალიზმით, შრომისმოყვარეობით და ადამიანური თვისებებით. კვლავაც მრავალ წარმატებას გისურვებთ. იყავი მხნე, ჯანმრთელი და ბედნიერი შენს დიდსა და საყვარელ ოჯახთან ერთად.

სიყვარულით, უახლოესი მეგობრები:
მზია ხატიაშვილი, ოლიკო კიკილაშვილი და ლალი აბაშიძე

• სპილო დღეში დაახლოებით 225 კილოგრამ საკვებს მიითმევს. ერთ ჯერზე კი 135 ლიტრი წყლის დაღევა შეუძლია.

• საპრემიო არწივი, მთელი ცხოვრებას ერთ პარტნიორთან ატარებს და არც ბუდეს იცვლის.

• ჟირაფის კისერი დაახლოებით 2,5 მეტრი და 11 კილოგრამია.

• 1 გრამი თაფლის დამზადებისთვის, ფუტკარი 7 500 ყვავილისგან იღებს ნექტარს.

• თეთრ დათვს ძალიან კარგი ყნოსვა აქვს. მას შეუძლია 30 კილომეტრზე იგრძნოს ზვიგენის გვამის სუნი. 1 მეტრიანი ყინულის ქვეშ მყოფ სელაპსაც სუნით გრძნობს.

• დედალი ტერმიტი 30 000 კვერცხს დებს დღეში.

• დელფინი 200 მეტრის სიღრმეზე ჩადის და 15 წუთი შეუძლია გაძლოს ზედაპირზე ამოსვლისა და ჩასუნთქვა გარეშე.

• სირაქლემას კვერცხი 1,5 კილოგრამია. ეს კი 24 ცალი ქათმის კვერცხის ტოლფასია.

• კოლიბრი იმდენად პატარა ჩიტია, რომ ხშირად ობობას ქსელში ეხვევა და თავს ველას აღწევს.

• ზვიგენი იძულებულია სულ იმოძრაოს. მინიმუმ 3 კმ/საათში მიინძვ. სხვანაირად მის ორგანიზმს საჭირო ჯანგბადი არ მიეწოდება.

• ნიანგის სქესი დამოკიდებულია ინკუბაციის პერიოდში ტემპერატურაზე. თუ კვერცხი 30°C-ზე ნაკლებ ტემპერატურაზე იჩეკება, ნიანგი დედალია, ხოლო 30°C

გრადუსზე მეტ ტემპერატურაზე, მამალი ნიანგები იჩეკებიან. კვერცხის ტემპერატურას განსაზღვრავს დედა. ზოგიერთ კვერცხს უფრო ღრმად მარხავს, ზოგიერთს კი უფრო ზედაპირულად.



ს კ ო რ ტ ი კ ა ლ ა თ ბ უ რ თ ი

სოფელ ხორნაბუჯის საჯარო სკოლაში ჩატარდა დედოფლისწაყაროს მუნიციპალიტეტის პირველობა კალათბურთში საჯარო სკოლების მოსწავლე ვაჟებს შორის.

მუნიციპალიტეტის პირველობა მოიგო ქალაქ დედოფლისწაყაროს პირველი საჯარო სკოლის გუნდმა. აი, გამარჯვებული სპორტსმენებიც:

გიორგი ფიროსმანაშვილი, გიორგი ბენაშვილი, გიორგი ლვინაშვილი, დავით ბეჟაშვილი, ნიკა ბოსტაშვილი, სოსო ჩუთლაშვილი, ლევან ჩუთლაშვილი, ბესიკ ბერიკელაშვილი, სანდრო ბეგიაშვილი, აკაკი გონაშვილი. (სკოლის დირექტორი მაია ლაპიაშვილი, ფიზკულტურის მასწავლებელი დალი ბენაშვილი).

მეორე ადგილზე გავიდა სოფელ ოზანის საჯარო სკოლა, მესამე ადგილი კი დაიკავა სოფელ ხორნაბუჯის საჯარო სკოლამ.

პირველ ადგილზე გასული გუნდი დასაჩუქრდა ფასიანი პრიზებით და სიგელით.

მეორე და მესამე ადგილზე გასულ გუნდებს გადაეცათ შესაბამისი ხარისხის სიგელები.

ქ პ ი რ ფ ა ს ო გ ა დ ა მ ხ დ ე ლ ბ ო !

საქართველოს ფინანსთა სამინისტროს შემოსავლების სამსახურიდან შემოსული შეტყობინების საფუძველზე შეგახსენებთ, რომ საგადასახადო კოდექსის 205 - ე მუხლის თანახმად, თუ ფიზიკური პირის ოჯახის წევრთა საერთო წლიურმა შემოსავალმა გადააჭარბა 40 000 ლარს, სავალდებულოა ფიზიკური პირის ქონების გადასახადის წლიური დეკლარაციის წარდგენა ელექტრონული ვიზიტით.

ფიზიკური პირის ქონების დეკლარაციის შევსება ასევე სავალდებულოა, თუ 2011 წელს თქვენმა შემოსავალმა არ გადააჭარბა 40000 ლარს, მაგრამ 2012 წლის 1 აპრილის მდგომარეობით საკუთრებაში ან მფლობელობაში გააჩნიათ მინის ნაკვეთი, ასევე, ქირით, იჯარით, უზურფრუქტით ან სხვა ამგვარი ფორმის ხელშეკრულების საფუძველზე გაცემული გაქვთ მინის ნაკვეთი.

გთხოვთ, გაითვალისწინოთ, რომ საგადასახადო კოდექსის 274 - ე მუხლის თანახმად დეკლარაციის დაგვიანებით წარდგენა იწვევს პირის დაჯარიმებას.

დეკლარაციის წარდგენის ბოლო ვადაა 2012 წლის 1 ნოემბერი.

დამატებითი კითხვებისათვის დაგვიკავშირდით: 591 22 44 95 (ბანალი), 593 28 11 46 (ნიმე), 599 16 57 40 (თლენი). სამუშაო საათები: 10.00 დან 18. 00 მდე. შ.პ.ს. „ლაშარი“ გისურვებთ წარმატებებს.

ა მ ი ნ დ ი	დ ე დ ო ფ ლ ი ს წ ყ ა რ ო
შაბათი 20. 09 დღე ღამე 14 ° 10 °	კვირა 21. 09 დღე ღამე 15 ° 9 °
ორშაბათი 22. 10 დღე ღამე 13 ° 11 °	სამშაბათი 23. 10 დღე ღამე 14 ° 12 °
ოთხშაბათი 24. 10 დღე ღამე 15 ° 13 °	ხუთშაბათი 25. 10 დღე ღამე 15 ° 14 °
პარასკევი 26. 10 დღე ღამე 14 ° 12 °	

გამომცემელი შპს „შირაქი“ დირექტორი ინგა შიოლაშვილი რედაქტორი ნაირა გორაშვილი-ყოჩიაშვილი წერილობითი მთავარი ფაქტებსა და ციფრებზე ასახებს ავტორო.	სარედაქციო კოლეგია: ლალი მხერტიანი, ილია მარტყოფლიშვილი (კორესპონდენტები); მინაილ ბუბრიშვილი (სტილისტ-მწევერი); ნათელა შოსტაშვილი (ბუღალტერი); ნინო ჯანაშვილი (ოფის-მწევერი); მზია ქანჭავაძე (დისტრიბუტორი); ზურაბ ბუნაშვილი (კომპიუტერული უზრუნველყოფა). გაზეთი აიწყო და დაკაბადონდა „შირაქის“ კომპიუტერულ ბაზაზე. ყოველკვირეული გამოცემა იბეჭდება შ. პ. ს. „სარის“ სტამბაში.	რედაქციის მისამართი: ქალაქი დედოფლისწაყარო, ფიროსმანის №18, ტელ. 0 356 22 55-49; 598 72-18-72 (დირექტორი) 599 25-17-44 (რედაქტორი)	რეგისტრირებულია დედოფლისწაყაროს რაიონის სასამართლოს მიერ, №6014-468.
---	--	---	---